

5

T 3150/0413.81

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 27 1940



文水縣志卷七

賢才志下

人物

傳星曰古之君子達則行其道窮則善其身故  
或出或處或功業爛然或德行卓然非君子之  
行不同也遇不同也吾於文錄名臣得衛綰等  
十三人錄篤行得韓子誣等十九人錄隱逸得  
武攸緒等四人至于婦人女子耳不聞聖賢之  
訓目不讀詩書之澤碩能齟齬不滓士君子或

哈佛大學漢和  
圖書館珍藏印



且愧之豈非天性哉豈非天性哉  
呂氏等二十八人

名臣

漢

衛綰 丞相封建陵侯

隋

郭儁

唐

武甄 脩文館直學士

李希靖 左臺監察御史

李澄 禮部尚書

武元衡 門下侍郎同平章事臨淮郡公

武儒衡 諫議大夫

李彭

李源

李景讓 御史大夫

宋

牛拱辰 進士及第大理丞



楊美 保靜軍節度使

盧政 武泰軍節度使  
以上俱載列傳

篤行

隋

韓子誕 親歿負土築墳居喪盡禮朝廷旌嘉乃  
卒視其容骨皆毀大業未表其門閭唐

貞觀中蜀其賦役

元

王才 德行高峻年九十餘至正十  
五年旌為王氏耆年之門

姚相 捐田二頃有奇為學田  
平生仗義好善類如此

明

白祥 字瑞東都人父責水樂間任長山知縣  
時有犯者連坐當刑祥願代之臨刑神

赦色不受上嘉其孝父子俱免人

張鳳翔 賢馬都舉人天性純孝父嚴厲每承顏  
順志庭訓樂受及卒號泣不已蔬食三年

王鸞 字騰霄武度都人性朴寔崇禮義  
鄉閭向化御史陳九德表其門

李玫 忠孝坊人王府典膳父早亡事母惟謹  
及卒廬墓三年群盜有夜過其側者感

其孝輒不敢驚御史陳九德樹扁表門

李伯現 忠孝坊人閭里化其德  
御史王公憲旌為善人

高階 善治坊人德量寬厚有長者風鄉人之  
強暴者悉化御史王公憲旌為善人



孟養氣

卒生事繼母孝母嚴迫處之怡怡友愛諸弟庭無間言人稱真孝子

郭

拖

字子福貴信坊人性至孝其父廷詩篤於善拖承其志卹貧賑困孜孜不怠侍

親側婉辭愉容親或寢疾輒在不敢眠禱於神願以身代親歿廬墓號泣其叔廷許弟載

俱無嗣而終拖破產殯之年晚無子一夕夢神語曰爾孝德格天當錫爾胤後生子應鰲應

泰孫鉉悉以文符著經撫旌之曰孝德可風郡守旌之曰一方善士邑令旌之曰孝無間言

鄭

位

身無忤色撫諸弟成立或奪牛以去怡

怡自如歲試汾州于旅館得遺金俟其人至悉還之性不喜飲鄉鄰有違言則備卮酒焉

解不解不已家僅自給親知貧不能舉火者輒分予之雖頻數不厭也與人謙和以而益

恭蓋無不稱焉長者云

王在庭

縣學生員平陶都人孝無間言不入公

堤濬川閭里咸推之

尉

三德

庠生善治坊武良村人尚義樂善萬戶十四年歲大荒捐粟三百余石以救飢

民賊劫其財八百余金為捕役所獲悉釋放之生平行誼類如此

鄭從周

之僑仲子崑璧祖父兄皆顯宦孝友謙冲無貴胄習遠近服之

國朝

嚴應祥

甘清詹與兄同爨五十載未嘗分居子國魁孫調鼎皆魁于鄉邑人以爲厚德

之報云

曹天平

分產俱讓諸弟弟以賈歿于外營樞歸葬諸侄幼俱為之成立婚娶輸助學田

文原志

卷七

三



屍骸無主者掩埋之年八  
十四歲卒鄉里義而思之

陳所志

明陽都人讀書勤苦早入邑庠仗義輕財每逢節誕集諸子於壻下戒口為子

必孝為臣必忠乃不愧聖賢不辱祖宗爾輩其勿忘平訓後次子三接登進士捐軀報國皆義方之教也年八十有九卒

張法祖

孝義都人曾拾遺金還本

隱逸

唐

武攸緒

宋

邢鑑

明

張圖南

俱載列傳

國朝

郭連城

章多村人高才博學工書善詩不樂仕

遇書籍輒傾篋購之尤究心性平定白居易是為方  
外遊年未三十而卒忻州知州魏  
一驚賦詩以吊旌為隱士之墓

樊從簡曰野無遺賢萬邦作父以賢人而樂於

仕本治世之常事也雖朕人各有志不可強奪



故光武遂子陵之高真宗成魏野之節而易嘉  
肥遯詩美考槃正謂此耳今觀文邑數隱君子  
或避亂以潔身或樂道以淑後清風高節真可  
以激頑而起懦其視夤緣攀附知進而不知退  
者烏可以同日語哉

貞烈

明

呂氏貴信坊霍文聚妻年二十五夫故  
常氏賢馬都李山妻夫故誓守清節終身不變方司奏請旌表

韓氏孝節撫孤終身不易當道旌表

張氏文甫四歲誓守節伯叔欲奪之不得以

織紡自給撫子成立任寧夏經歷孀居六十年人無間言

郭氏幼子終身不改歷年七十六卒

李氏貴信坊孟進妻年十九夫卒遺子甫一歲家貧甚親隣諫再適氏不從苦節沒身

武氏南關廟李廷妻年二十夫亡遺二子勤苦撫養居四十餘年始終無間言

武氏春南一歲氏欲死節其父力勸乃止訓

子讀書克邑庠生

李氏蕩統妻少寡親老子甫二歲氏孝事舅姑撫孤成立經旌表



索氏東城都郭澤妻夫故觸棺痛哭誓以身殉家人防之得不死生遺子郭希振後

亦故遺一孫氏撫養之凡五十五年壽七十有歲有司奏開豎坊旌表

王氏貴信坊郭樂妻舉人王一爵女幼年嗜讀書女孝經長而頗通字篆二十歲守節

撫孤事翁姑八十而終邑令馬斯和申請旌表扁曰冰霜苦節

馬氏庠生閏艾妻艾亡氏年二十四歲遺孤希孟年六歲苦守不嫁訓養成立壽八

十二歲萬曆丙午上司給扁旌表

王氏溫雲都張翼明妻翼明為闖賊所殺罵賊被殺氏年二十七歲撫訓二子聖

繼俱為諸生今年六十餘鄉里稱之

國朝

賀氏安仁都人席翼列妻列以亡氏年十九矢志守節事親撫孤並無間言閩縣公

呈縣令傅星批入邑乘

孟氏侯晏妻少亡氏方二十歲孀居六十餘年始終如一當事給扁旌云貞守克終

王氏任權妻權入學早卒氏十九歲事姑撫子鄉閭稱之

張氏光祿署丞王用中妻用中早逝遺孤岱方四歲守志撫子朝夕課讀不急卒以

文名初父母勸其再適剪髮毀容自誓迄四十余年如一旦于舅姑孝于僕婢寬遠近推重焉

侯氏武績妻績逝氏年方十八遺孤僅八月家貧苦守年至九十始卒人咸以為貞

淑之報



楊氏 武懋德妻德禦賊陣亡氏時二

楊氏 李樓妻樓少亡氏方二十一歲撫未歲

餘卒

權氏 謝三命妻命逝氏年方二十五

孟氏 生員王經世母幼年苦節蒙

文氏 舉人郭起宗妻明末流寇破城氏投井

節泉烈

郭氏 恩貢楊應芳妻以賢孝著聞夫

馬氏 歲貢閻文炳妻生員馬上綉女温良

成氏 張銘妻銘早喪遺二子氏甫二旬立志

終如一年始

成氏 李端西都人監生曹昭妻昭以亡氏誓

縣令傳星 批准入志

侯氏 善治坊人郭夢周妻周早亡氏方十七

論曰語云石可破也而不可奪堅丹可磨也而

不可奪赤夫閨閻淑媛未嘗有學問以養其心

素知禮義以堅其節也迺冰霜勵操誓不再醮

撫孤茹荼有死無二雖栢舟所咏曷以加焉



寓賢

周

卜

商

字子夏衛人孔子弟子退老西河為魏文侯師嘗憇本縣隱泉山後人號其山

曰商山又曰子夏山云

明

趙秉忠

益都人父禧任本縣丞生忠宦即登萬

郭佳鎮

邳州人邑宰宗賢之子從遊

列傳

衛建陵侯傳

建陵侯衛綰者代大陵人也綰以戲車為郎

能左

乘也操機鞋之類案今亦有弄車之戲是也

事文帝功次遷為中郎將

醇謹無他孝景為太子時召上左右飲而綰稱病

不行恐文帝謂豫有

文帝且崩時屬孝景曰綰長

者善遇之及文帝崩景帝立歲餘不噍呵綰

譙呵音誰

何猶借訪也一日不譙綰曰謹力景帝幸上林詔

可者言不噴責衛綰也中郎將參乘還而問曰君知所以得參乘乎綰曰

臣從車士幸得以功次遷為中郎將不自知也上

問曰吾為太子時召君君不肯來何也對曰死罪



實病上賜之劍縮曰先帝賜臣劍凡六劍不敢奉

詔上曰劍人之所施易獨至今乎施讀曰移言劍者人之所好故

多數移易也縮曰具在上使取六劍劍尚盛未嘗服也

郎官有譴常蒙其罪不與他將爭有功常讓他將

上以為廉忠實無他賜心賜之內無他惡也乃拜縮為河間

王太傅吳楚反詔縮為將將河間兵擊吳楚有功

拜為中尉三歲以軍功孝景前六年中封縮為建

陵侯其明年上廢太子誅栗卿之屬栗太子舅也栗氏親屬也

卿其名也上以為縮長者不忍乃賜縮告歸而使到都治

捕栗氏既已上立膠東王為太子召縮拜為太子

太傅久之遷為御史大夫五歲代桃侯舍為丞相

朝奏事如職所奏以言但守職分而已朕自初縮

以至丞相終無可言天子以為敦厚可相少至尊寵

之賞賜甚多為丞三歲景帝崩武帝立建元年中

丞相以景帝疾時諸官因多坐不辜者而君不任

職免之其後縮卒子信代坐耐金失侯

### 郭文傳

郭儁字文太原文水人也家門雍睦七葉共居



大豕同乳烏鵲通巢時人以爲義感之應州縣上其事上遣平昌公宇文弼詣其家勞問之治書御史柳彧巡省河北表其門閭漢王諒爲并州總管聞而嘉嘆賜兄弟二十餘人衣各一襲

### 武平一傳

武平一名甄以字行潁川郡王載德子也博學通春秋工文辭武后時畏禍不敢與事隱嵩山修浮圖法屢詔不應中宗復位平一居母喪迫召爲起居舍人丐終制不見聽景龍二年兼修文館直學

士時天子暗柔不君韋后悉亂文職盛平一重斥語卽自請抑母黨上言去歲焚感入羽林太白再經天太陽虧月犯大角臣聞災不妄生上見下應信如景響詩曰唯此文王小心翼翼昭事上帝聿懷多福陛下天性孝愛戚屬外家恩給澤濡臣一宗階三等家數侯朱輪華轂過許史梁鄧遠甚恩崇者議積位厚者釁速故月滿必虧日中則移時不再來榮難久籍昔永淳之後王室多難先聖從權故臣家以宗子竊祿疏封今上聖復辟宜退守



園廬乃再假光寵爵封如初高班厚位遂起涯極  
故陰氣僭陽河洛汎溢昔王族驕盈梅福上書竇  
氏專縱丁鴻進諫且后妃之家恩過寵深一朝覆  
沒遂無噍類顧思抑損之宜長遠之策推遠時權  
以全親親帝慰勉不許遷考功員外郎于時太平  
安樂公主各立黨相根毀親貴離闕帝患之欲令  
敦和以訪平一因上書曰病之在四體者跡分而  
易逐居心腹者候遽而難治刑政乖舛四支疾也  
親權猜間心腹患也書曰克明俊德以親九族九  
族既睦平章百姓詩曰協比其鄰婚姻孔云是知  
親族以輯睦爲義也自頃權貴猜防外和內離怨  
結姻婭疑生骨肉邀榮之徒詭獻忠款膏肓之伍  
苟輸讒計賜爵邸第之中噤頤媪宦之側故過從  
絕猜嫌構親愛羣黨與生積霜成冰禍不可既願  
悉召近親貴人會宴內殿告以輯睦申以恩勤斥  
女姓人塞讒路若猶未已則捨遠播慈示嚴惟  
陛下之命帝美其忠切率不用初崔日用自言明  
左氏春秋諸侯官族它日學士大集日用折平一



曰君文章固耐久若言經則敗績矣時崔暹張說  
素知平一該習勸令酬詰平一乃請所疑月用曰  
魯三桓鄭七穆柰何答曰慶父叔牙季友桓三子  
也孟孫室晁凡九世叔孫舒季孫肥凡八世鄭穆  
公十一子子狀及二子子孔三族亡子羽不爲卿  
故稱七穆子罕子駟子良子國子游子卯子豐也  
一坐驚服平一問日用曰公言齊桓公楚莊王時  
諸侯屬齊若楚凡幾平公靈王時諸侯屬晉楚凡  
幾晉六卿齊楚執政幾何人日用謝曰吾不知君

能知乎平一條舉始末無留語日用曰吾請以  
闔坐大笑後宴兩儀殿帝命后兄光祿少卿嬰監  
酒嬰滑稽敏給詔學士嘲之嬰能抗數人酒酣  
襪子何懿等唱合生歌言淺穢因倨肆欲奪司  
農少卿宋廷瑜賜魚平一上書諫曰樂天之和禮  
地之序禮配地樂應天故音動於心聲形于物因  
心哀樂感物應變樂正則風化正樂邪則政教邪  
先王所以達廢興也伏見 施于聲律本備四  
彛之數比來日益流宕異曲新聲哀思淫溺始自



王公稍及閭巷妖妓

街童市子或言妃主情

貌或列王公名質詠歌蹈舞號曰合生昔齊衰有  
竹伴侶陳滅有玉樹後庭花趨數驚僻皆亡國之  
音夫禮慊而不進卽銷樂流而不反則放臣願屏  
流僻崇肅雍凡備四彝外一皆罷遣况兩儀  
承慶殿者陛下受朝聽訟之所比大饗群臣不容  
以倡優媠狎虧汙邦典若聽政之暇苟玩耳目自  
當奏之後庭可也不納宗立貶蘇州參軍徙金  
壇令平一見寵中宗時雅言嘗因詩頌規戒  
不能卓朕自引去故被謫既謫而名不衰開元末  
卒孫元衡儒衡別傳

李希靖傳

李希靖明經積學言動恒以禮自檢神龍初以進  
士拜監察御史正色立朝直言敢諫當時咸畏其  
風采雖諸武擅權亦不屈也性嚴厲教子義方登  
成大儒

李忠懿傳

李愬并州文水人或言其先出與聖皇帝譜系疏



晦不復傳父希靖神龍初右臺監察御史澄少秀  
敏舉明經高第授成安尉張說罷宰相爲相州刺  
史坐有善相者說徧問官屬後孰當貴工指澄及  
臨河尉鄭巖說以女妻巖而歸其甥陰於澄會母  
喪免自武功尉以政尤異遷主簿說在并州引澄  
置募府及執政爲長安尉宇文融括天下田高選  
官屬多致賢以重其柄表假澄監察御史分道檢  
覈以課真拜御史坐小累下除晉陽令三遷給事  
中力于治有任事稱明簿最下無敢給失李林甫  
意出爲河南少尹尹蕭炅內倚權訕法植私澄裁  
抑其謬吏下賴之道士孫旣生以左道幸託祠事  
徃來嵩少間于請亂吏治澄不爲應故挾炅譖諸  
朝天寶初除清河太守舉美政遷廣陵長史民爲  
立祠賽祝歲時不絕以捕賊負徙彭城太守封酒  
泉縣侯連徙襄陽河東並兼採訪處置使入爲京  
兆尹揚國忠惡之改光祿卿東京留守安祿山反  
宗遣封常清募兵東京澄與劉臺御史中丞盧  
弈河南尹達奚珣繕城壘綏勵士卒將遏賊西鋒



帝聞擢禮部尚書祿山渡河號令嚴密候詔不能  
知已陷陳留榮陽殺張介狀崔無詖不數日薄城  
下常清兵皆白徒戰不勝輒北澄收殘士數百哀  
斷折矢堅守人不堪鬪澄約弈吾曹荷國重寄  
雖力不敵當死官部較皆夜縋去澄坐留守府弈  
守臺城陷祿山鼓而入殺數千人矢著闕門執澄  
弈及官屬蔣清害之有詔贈司徒謚曰忠懿河洛  
平再贈太尉拜一子五品官澄通左氏春秋頗殖  
產伊川占膏腴自都至闕口疇野彌望時謂地癖  
巖仕終少府監產利埒澄云澄十餘子江涵風瀛  
等同遇害唯源彭脫大中初詔求李峴王珪等三  
十七人画像圖凌煙閣澄與焉

武伯蒼傳

武元衡字伯蒼曾祖載德則天皇后之族弟祖平  
一有名元衡舉進士累爲華原令畿輔鎮軍督將  
皆驕橫梳政元衡移疾去德宗欽其才召拜比部  
員外郎歲內三遷至右司郎中以詳整任職擢爲  
御史中丞嘗對延英帝目送之曰是真宰相器順



宗立主叔文使人誘以爲黨拒不納俄爲山陵儀  
仗使監察御史劉禹錫求爲判官元衡不與叔文  
滋不悅數日改太子右庶子會冊皇太子元衡贊  
相太子識之及卽位是爲憲宗復拜中丞進戶部  
侍郎元和二年拜門下侍郎同中書門下平章事  
兼判戶部事帝知元衡堅正有守故倦禮信任異  
它相浙西李錡求入覲旣又稱疾欲賒其期帝問  
宰相鄭絪絪請聽之元衡曰不可錡自請入朝詔  
旣許之而復不至是可否在錡陛下新卽位天下

屬耳目若奸臣得遂其私則威令去矣帝狀之遽  
追錡而錡計窮果反是時蜀新定高崇文爲節度  
不知吏治帝難其代詔元衡檢較吏部尚書兼門  
下侍郎同平章事爲劍南西川節度使繇蕭縣伯  
封臨淮郡公帝御安福門慰遣之崇文去成都盡  
以金帛幣幕伎樂工巧行蜀幾爲空元衡至綏靖  
約束儉已寬民比三年上下完實蠻苗懷歸雅性  
莊重雖淡於接物而開府極一時選八年召還秉  
政李吉甫李絳數爭事帝前不叶元衡獨持正無



所違附帝稱其長者吉甫卒准祭用兵帝悉以機  
政委之王承宗上疏請赦吳元濟使人白事中書  
恃慢不恭元衡叱去承宗怨數上章誣詆未幾入  
朝出靖安里第夜漏未盡賊乘暗呼曰滅燭射元  
衡中肩復擊其左股徒御格鬪不勝皆駭走遂害  
元衡批顱骨持去邏司傳譟盜殺宰相連十餘里  
達朝堂百官恟懼未知主名少選馬逸還第中外  
乃審知是日伏入紫宸門有司以聞帝震驚罷朝  
坐延英見宰相哀慟爲再不食贈司徒謚曰忠愍

詔金吾府縣大索或傳言曰無摻賊賊窮必亂又  
投書於道曰毋急我我先殺汝故吏卒不窮捕兵  
部侍郎許孟容言於帝曰國相橫尸路隅而盜不  
獲爲朝廷辱帝乃下詔能得賊者賞錢千萬授五  
品官與賊謀及舍賊能自言者亦賞有不如詔族  
之積錢東西市以募告下於是左神策將軍王士  
則左威衛將軍王士平以賊聞捕得張晏等十八  
人言爲承宗所遣皆斬之逾月東都防禦使呂元  
膺執淄青留邸賊門察訾嘉珍自言始謀殺元衡者



會宴先發故藉之以告師道而竊其賞帝密誅之  
初京師大恐城門加兵誰何其偉狀異服燕趙言  
者皆驗訊乃遣公卿朝以家奴持兵呵衛宰相則  
金吾鼓騎導翼每過里門搜索喧嘩因詔寅漏上  
二刻乃傳點云從父弟儒衡

### 武延碩傳

武儒衡字延碩姿狀秀偉不妄言與人交終始一  
節宰相鄭餘慶不事華潔門下客多垢衣敗服獨  
儒衡上謁未嘗有所易以莊詞正色見重於餘慶

元衡歿帝待之益厚累遷戶部郎中知諫議大夫  
事俄兼知制誥皇甫鎛以宰相領度支剝下以媚  
天子儒衡疏其狀鎛自訴於帝曰乃欲報怨邪鎛  
不敢對儒衡論議勁正有風節且將大用宰相令  
狐楚忌之會以狄兼謨爲拾遺楚自草制引武后  
革命事盛推仁傑功以指切儒衡且沮止之儒衡  
泣見上曰臣祖平一當天后時避仕終老不涉于  
累帝慰勉之自是薄楚爲人也遷中書舍人時元  
倚宦官知制誥衡儒鄙厭之會食瓜蠅集其上



儒衡揮以扇曰適從何處來遽集於此一坐皆失色狀以疾惡大分明終不至大任以兵部侍郎卒年五十六贈工部尚書

武攸緒傳

武攸緒則天皇后兄惟良子也恬淡寡欲好易莊周書少變姓名賣卜長安市得錢輒委去後更授太子通事舍人累遷揚州大都督府長史鴻臚少卿后革命封安平郡王從封中岳固辭官願隱居后疑其詐許之以觀所爲攸緒廬巖下如素遊者

后遣其兄攸宜敦諭卒不起后乃異之盤桓龍門火室間冬蔽茅椒夏居石室所賜金銀錙鬲野服王公所遺鹿裘素障癭栢塵皆流積不御也市田潁陽使家奴雜作自混於民晚年肌肉消青瞳有紫光晝能見星中宗初降封巢國公遣國子司業杜慎盈齋書以安車召拜太子賓客苦祈還山詔可安樂公主出降又遣通事舍人李邕以璽書迎之將至帝勅有司卽兩儀殿設位行問道禮詔見日山帔葛巾不名不拜攸緒至更冠帶仗入通事



舍人贊位攸緒趨就常班再拜帝愕狀禮不及行  
朝廷歎息賜予無所受親貴來謁道寒溫外默無  
所言及還中書門下學士朝官五品以上竝祖城  
東俄而諸韋誅武氏連禍唯攸緒不及睿宗恐其  
不自安下詔慰諭復召拜太子賓客不就譙王重  
福之亂攸緒以誣被繫張說表置廬山中書令姚  
元崇奏攸緒在武后時未嘗輒出今州縣逼遣士  
為驚嗟願詔賜嵩山舊居令州縣存問詔可開元  
十一年卒

### 李彭傳

李彭擢明經第天寶中選名臣子可用者自咸寧  
丞遷右補闕從天子入蜀後愷數年卒有孫景讓  
景莊景溫別傳

### 李源傳

李源八歲家覆俘為奴轉側民間及史朝義敗故  
吏識源於洛陽者贖出之歸其宗屬代宗聞授河  
南府參軍遷司農主簿以父死賊手常悲憤不仕  
不娶絕酒量惠林佛祠者愷舊墅也源依祠居闔



戶日一食祠殿其先寢也每過必趨未始踐階自  
營墓爲終制時時偃臥堦中長慶初年八十矣御  
史中丞李德裕表薦源曰賈誼稱守圉扞敵之臣  
死城郭封疆天寶時士卒使節逆羯始興委符組  
棄城郭者不爲耻而愷約義同列守位自如抵亦  
就終臣節之光由愷始而源天與至孝絕心祿仕  
五十餘年當守沈默理契浚要一辭開析百慮洗  
朕抱此真節棄於清世臣竊爲陛下惜之穆宗下  
詔曰昔盜起幽陵振蕩河洛贈太尉愷處難唐首  
正色就死兩河聞風再固危壁殊節卓焉到今稱  
之源有曾參之行巢父之操泊朕無營沆此高年  
夫褒忠所以勸臣節也旌孝所以激人倫也鎮澆  
浮莫如尚義厚風俗莫如尊老舉是四者大儆于  
是其以源守諫議大夫賜緋魚袋河南尹遣官敦  
諭上道帝自遣使者持詔書袍笏卽賜絹二百疋  
源頓首受詔謂使者伏疾年老不堪趨拜卽附表  
謝辭吐哀慙一無所受尋卒敬宗時擢愷孫爲河  
南兵曹參軍



李後已傳

李景讓字後已贈太尉愷孫也性方毅有守寶  
初遷右拾遺淮南節度使王播以錢十萬市朝廷  
權求領鹽鐵景讓詣延英亟論不可遂知名沈傳  
師觀察江西表以自副歷中書舍人禮部侍郎商  
華號三州刺史母鄭治家嚴身訓勤諸子始貧乏  
時治牆得積錢僮婢奔告母曰士不動而祿猶苗  
其身况無妄而得我何取亟使閉坎景讓自右散  
騎常侍出爲浙西觀察使母問行日景讓率狀對  
有日鄭曰如是吾方有事未及行蓋怒其不嘗告  
也且曰已貴何庸母行景讓重請臯乃赦故雖老  
猶加箠敕已起欣欣如初嘗怒牙將杖殺之軍且  
謀變母欲息衆謹召景讓廷責曰爾填撫方面而  
輕用刑一夫不寧豈特上負天子亦使百歲母銜  
羞泉下何面目見先大夫乎將鞭其背更大將再  
拜請不許皆泣謝迺罷一軍遂定景讓家行修治  
閨門唯謹入爲尚書左丞拜天平節度使徙山南  
東道封酒泉縣男大中中進御史大夫甫視事劾



免侍御史孫玉汝監察御史盧補威肅當朝為大  
 夫三月將伸輔政景讓名素出伸右而宣宗擇宰  
 相盡書群臣當選者以名內器中禱憲宗神御前  
 射取之而景讓名不得世謂除大夫百日有它官  
 相者謂之辱臺景讓愧艱不能平見宰相自陳考  
 深當代即拜西川節度使以病丐致仕或諫公廉  
 潔平素儲不為諸子謀邪景讓笑曰兒曹詎餓死  
 乎書聞輒還東都以太子少保分司卒年七十二  
 贈太子太保謚曰李性樊士類拔孤仄如秦蔚楊  
 知退皆所推引始為左丞將伸坐宴所酌酒語客  
 曰有孝於家忠於國者飲此客肅狀景讓起卒爵  
 伸曰無宜於公所善蘇滌裴夷直皆為李宗閔楊  
 嗣復所擢故景讓在會昌時抑厭不遷宣宗銜穆  
 宗舊怨景讓建請遷敬文武三主以猶子行為嫌  
 請還代宗以下主復入廟正昭穆事下百官議不  
 狀乃罷德望稍衰矣狀清素寡欲門無雜賓李琢  
 罷浙西以同里訪之避不見及去命斲其駟石焉  
 元和後大臣有德望者以居里顯景讓宅東都樂



和里世稱清德者號樂和李公云弟景温字德已  
歷諫議大夫福建觀察使徙華州刺史以美政聞  
累遷尚書右丞盧攜當國弟隱繇博士遷水部員  
外郎材下資淺人疾其昌無敢繩景温不許赴省  
時故事久廢景温既舉職人皆躓其正弟景莊亦  
至顯官

### 牛拱辰傳

牛拱辰天聖進士歷倅岢嵐定襄遷駕部員外調  
普慈賜三品服進真部郎中知易陵所至甚肅細  
而寬約束清心潔已未嘗爲子孫業

### 楊節度傳

楊美并州文水人本名光美避太宗舊名改馬美  
壯貌雄偉武力絕人以豪俠自任漢乾祐中周祖  
征三叛美杖策詣軍門求見周祖召與語壯之留  
帳下廣順初累遷禁軍大較從世宗征淮南以功  
擢鐵騎都指揮使領白州刺史太祖與美有舊卽  
位以爲內殿直都知建隆三年升青州北海縣爲  
軍以美爲軍使爲政尚簡易民皆德之乾德二年



召還北海民數百詣闕乞留詔諭之不去管爲首  
者始罷遷馬步軍都頭會討蜀以美爲歸州路戰  
擢左右廂都指揮使蜀平遷內外馬步軍副都軍  
頭領恩州團練使開寶二年改領端州防禦使六  
年加都軍頭領宣州觀察使俄授虎捷左右廂都  
指揮使領河西軍節度會遣党進潘美征太原命  
美爲行營馬軍都虞候太平興國二年冬出爲保  
靜軍節度三年夏以疾求解官歸京師尋醫藥詔  
遣內侍與道士馬志視之未幾卒年四十八贈侍  
中命中使護葬美爲人任氣好施凡得予賜及奉  
祿盡調給親戚故舊死之日家無餘財人多歎息  
之

### 盧節度傳

盧政太原文水人以神衛都頭從劉平與夏人戰  
延州敵薄西南隅兵不得成列政引數騎挑戰發伏  
弩二百射却之日且暮政說平曰今處山間又逼  
汚澤宜速退保後山須明決聞不狀彼直出乘高  
蹙我何以禦之平不聽遂敗政脫身歸黃德和誣



平降城仁宗引政問狀政言平被執非降也因自  
陳失主將當死帝義其言赦之以爲供奉官德州  
兵馬監押預討貝州率勇敢數百人飛環絳堞而  
登守者莫能亢大軍乘之以入遷內殿承制南征  
儂智高亦有功歷秦鳳高陽關都鈐轄治平熙寧  
中爲捧日天武四廂都指揮使三衛都虞候副都  
指揮使涇原定州并代州定四路副都總管累轉  
祁州團練昌州防禦黔州觀察使拜武泰軍節度  
使政時年七十三氣貌不衰侍立殿下雖久無惰  
容能上馬踊躍觀者壯之早朝暴卒贈開府儀同  
三司

邢叔明傳

邢鑑字叔明少而篤學有經世濟物之心從晉谿  
任先生遊講習十年行修經明時方以詞賦取士  
而公潛心經術因見誥西北用兵邊儲未裕公痛  
肉食者鄙攄長策遠謀上書執政竟莫能用于是  
謀道山林不復以仕進爲意嘗與叅政毆陽公修  
范公仲淹學士石公介爲知交而超然遠引蟬蛻



塵置蓋所謂幽人之貞與卒年六十有七

### 馮遵古傳

馮憲字遵古號文瀾諸生時英慧出人博洽群言  
雅以氣節自負舉治戊午鄉試登壬戌進士授  
河南沁陽知縣立政嚴明鋤強抑暴豪勢歛手以  
避百姓方仰新政以見忤貴要旋罷沁人繪像歌  
誣思之

### 郭兵憲傳

郭廷冕字季之號文麓嘉靖乙未進士初授中  
舍人擢陝西道監察御史巡視北城風采凜然中  
貴不敢干以私奉命督長蘆鹽課公清釐弊源嚴禁  
窩鬻歲增餘鹽萬計商不困而國賦足稱兩便焉  
再按南畿淮鳳諸郡公力振風紀雖徧僻下邑必  
按行諮諏屬吏以非禮奉者公嚴禁之綜核有體  
尤以培養元氣爲務威惠並行所在肅然擢知常  
州鄰毗陵爲東南巨鎮民性矯飾競以華靡相尚  
公敦行節儉爲百姓先捐不急之務以省民力常  
人頌而德之晉山東按察司副使整飭徐淮兵備



啓行之日行李無餘抵徐數月疾作卒于官常徐  
士民間之有流涕者卒年二十有子衡有才名  
隆慶丁卯舉人歷陝西興安州知州

田京兆傳

田壽字汝治號易吾隆慶庚午鄉試辛未進士初  
授行人司行人性篤孝值母病癱發于腋醫多方  
不効公自吮之輒愈人以為孝感云拜給事中首  
陳七策上加納多所施行許駙馬從誠馬毀柝亡  
無敢問者公特疏糾彈蒙詔切責于是都人士咸

相戒曰是且不難法帝僭何可犯也乙酉主試闈  
中稱得士擢掌戶垣屬椒房母死乞恩逾制公以  
帑竭力爭不可竟從減等其疆項敢言類如此戊  
子擢山東叅政萊郡大旱公齋禱神大雨隨注凡  
所爲振救安集者不遺餘力歲不爲害丁倭寇朝  
鮮震鄰岌岌朝議共推公壯猶晉按察使頗控海  
防公念齊實京師肘腋迺按行要害增濬塹壘儲  
粟繕兵爲綢繆計守帥有沮公者弗聽竟築之謀  
知有備遂寢內訌謀衆始服公之蚤計焉丙申遷



長東藩公益申令有司杜苞苴平出納疵政不便  
于民者悉爲爬梳而釐剔之帑有羨鏹若干金故  
事惟官所用公卻之一毫無染曰奈何以吾身爲  
壑乎徵光祿寺卿丁酉擢順天府尹公剛方有執  
輦下肅清而權貴有銜之者言官希旨誣摺公抗  
疏自陳不報遂投劾歸里居却掃手玩周易津津  
狀益潛有契也  
卒年六十有七

鄭工部傳

鄭之僑字良卿號東里其先世居秦中洪武二

始遷文水之南安里父位隱遺益于汾陽館中

者義之公少性敏給年十六爲邑諸生萬曆甲午

領鄉薦春試屢捷因喟狀曰昔劉忠宣以不得作

縣爲歉苟幸有民社寄澤可及人寧俟博一第哉

遂就銓乙卯冬除直隸文安縣令時三輔大侵溝

中枕骨公多方調卹賑活者以萬計邑地窪河衝

歲每爲害公緣舊蹟築長堤百二十里以捍民得

平土而居稅璫高家負辜逸自內禁人率嘽啗不

敢逼公直搗其穴執之豪強屏跡邑有屯牧營淀



等地瀉鹵無收民苦重賦二百餘年應援別郡例  
減徵獲除賠累政成民和課績最聞庚申權順天  
府通判天啓二年壬戌遷工部虞衡司主事旋督  
臺基廠務會遠變征徭公廷議葺都城濬隍以修備  
公獨不避蒸暑宵旰拮据竣役省金錢數百餘緡  
用佐國計終默不以語人且退而私愛曰天子守  
疆四藝不思決勝千里而郢是城徒示弱耳時董  
勳勞竟亦瘁病旣而有易州餉軍之命憊不  
之能及僕齋立赴郡視國儲報計而疾加劇蓋

京邸年五十八贈承德郎子五人胤嗣宗周登丁  
未進士兩令鉅鹿唐山公嘗以潔已惠人毋負君  
民爲誠及任侍御又惓惓以忠直爲訓白議論不  
持木體而口舌是爭非國之福也季子庭周選貢  
生平嗜欲澹如儉於自奉遺衣一襲示宗周輩曰  
吾藏此易年矣惜不忍漫服夫人故有不畜用而  
能廉取者乎居家居官止此矣至與人清而不絕  
於俗和而不淆於時居實處厚尤耻皎皎矜名性  
雅喜讀史能詩古文辭成一家言著有東臯醉語



詩文若干卷

嚴刺史傳

編修周

嘗考嚴氏世譜而嘆刺史公之貽謀遠也揆厥所  
由初積善起於公父經光大門庭自公始彼其父  
樂善好施恭而有禮跡其生平如格寇還金數事  
雖古之仁人義士何以加哉天之報施爰生公公  
嚴慈正性履仁守義卽一頓一笑未嘗輕假雖曰  
操持有素蓋其天性狀也年方壯登己酉賢書嗣  
以丙辰戊辰兩試幾售不果遂仕秦隴探千金而  
弗取釐百政以維新治行稱第一馬上之寵之而  
旌以天下清官也有以哉延及其子若濟溫濟  
溫則慷慨好施則嗜古如飴咸有公之風及孫  
應龍應祥生而行益淑積益厚應祥祇承先志樂  
善如乃祖如憫馮紳之乏嗣而代娶其孫念馮紳  
之墓毀而代贖其土賑貧恤苦焚券釋盜行事不  
暇殫述蓋天資仁厚人也以故祥子國魁爲公孫  
之子登庚午賢書祥之孫調鼎爲公孫之孫登己  
酉賢書祖孫接踵父子躋美使非積累有年何以



科第聯翩有如是哉予是以嘆刺史公之貽謀遠也公諱三省文水賢馬人

張處士傳

處士字拙庵名圖南以字行世為文水開柵人器字簡澹倜儻不群狀習舉子業髫年即謝去縫掖衣優游泉石間好讀異書過目成誦更工詩善書人有以厚餽求者即斥詞隻字不同得與會所至常累幅不倦晉之直指使高其操親詣之聚談於陋室敞席之間出蔬食菜羹直指使飽之而去晚年家益貧行益高四黜瀟眈不事家人業每遇佳山水處往往多留題而僧房道觀時寄跡焉人有勸之仕者咲而應之云廟中之犧漆園吏且不為而謂吾為之乎逍遙自適而終

贈東泉王君傳

明大學士葉向高

公諱振德字惟惠其里東臯有泉游而樂之援以自號父朝卿以功曹入司京庾生子三公居仲初偕孟季學恂恂一儒者會父卒家中落從業為賈

以薄貲往來河汾間乃公托于賈而非賈人也籌盈量虛往往以儒術變通之所至猶手卷帙不釋



當爰歿于官去千里匍匐獨身扶襯不以艱遺其  
兄弟人以是服公孝兄弟食貧苦讀不給公以心  
計所得緩急之無間終始人以是服公友業既起  
所居亦輒得竒贏乃身自服粗食淡搯不休惟  
鄉里窮交孳殫收恤之惟恐後閭黨詬誶微言解  
紛傭人死買棺善瘞之所蓄驢斃亦爲塋埋殆謂  
君子富好行其惠者也公三子委季弟課業彬彬  
起名矣而孝友忠信時時勤勅戒旣倦游息影東  
臯詩酒高會非名理不談非聖賢書不蓄用

子咸有令望逮將歿燒所負券示子孫以守財無  
益後二十年季子貴累贈承德郎戶部雲南司主  
事積善餘慶不于身而于後豈不信哉余觀古廢  
居善蓄挾竒贏而甲州傾邑者其人每趨利如鶩  
爭上權而錮下業彼隄隄豪暴如曲叔稽發之徒  
勿論卽以陶朱之哲也能全其身而不能善其子  
丙氏之儉也能殖其家而遂使其國俗去文學夫  
孰有混迹市廛積德行義不失素業而光前緒啓  
後裔如公者乎余故曰公託于賈人也親睦仁讓



其猶感陶唐之沅風而興起者也享年六十有六  
配孔安人爲文谷孔先生之兄子孔公具人倫鑒  
少器公因妻之子三人長在沼次在圃竝邑諸生  
季在臺癸丑進士今官戶部郎中爲余門下士余  
雖不習公狀觀戶部君當官奉職潔廉提躬知公  
之教宏遠矣故論次之庶後之徵卓行者有所攷  
焉

蘇廣文傳

曹 珏 邑人

先生諱應聘字紹岡文水人體貌竒古有大才出  
貧且畊且讀下筆數百言立就諸生時卽負盛名  
時學使者按臨汾州先生出場八邑生童聞名聚  
觀圍遶幾不能去願數竒六試不售狀由先生門  
入黌序者不下數十人且多知名士繼爲鄆城導  
陸長青諭青令王公遠宜慕先生博洽凡遇試卽  
封卷送閱皆稱得人無何致仕歸好學不倦復開  
帳授生徒一時入黌序者復數人如陳君三接嚴  
君國魁郭君瑛程君永昌與不才珏相繼登甲乙  
榜先生武度都人舊制本村去官路十餘里有行



夫守舖之累二百餘年莫可控訴先生歸林下適  
舊青令王公亦擢中丞巡饒晉中先生謁之具言  
路遠行夫之苦王公握手道故盡懽而別立批呈  
有永不行夫守舖之語勒之石土人立祠祀之是  
則先生雖未登廊廟而澤之及人者多矣先生何  
媿哉先生何歎哉

### 胡公傳

通政司  
參議 牛應徵

胡公諱誥字命之號舜宇行二世爲文水石東都  
人力學嗜古髫年爲邑增廣生員事父母以孝聞

飲食非親奉不陳藥餌非先嘗不進親卒廬墓三  
年不見笑容又篤友愛遇兄弟有禍難傾貲拯之  
無恡色且急于奉公稅課不敢後值聖節嘗公服  
朝拜旦儻無以盡忠惟禮拜貢賦稍明在三之節  
曾獨居書室有婺婦夤夜求薦枕蓆公嚴絕之次  
日卽移居性更好施予窮迫者周濟之無告者埋  
葬之中年無嗣每過神廟輒拜禱一夕夢入西嶽  
廟求子帝君云大病後生貴子萬厭甲辰病幾不  
起乙巳春齋宿寺中書院夢西嶽神來拜起而自



驚及返舍而伯子勤毅公托體矣丁未生仲子後  
皆入庠有才名公教以體用之學每云讀書當以  
古聖賢爲法孔孟周程以來近代則薛文清王文  
成可師若時文科第譬如朝露皆不可久時當流  
寇殘破秦豫諭伯子曰天下自此多故矣汝當精  
心武備待朝廷之用乃取兵法七篇孔明心書以  
授之每見州縣官貪骫不法者卽戒二子以爲若  
輩上負朝廷下負民生辱先累後汝曹後如蹈此  
卽及黃泉無相見也故伯子後歷顯宦以清正著

名其皆秉庭訓有素歟門下士問五經大旨何在  
公獨闡精義多漢宋諸儒所未發又有問延壽之  
道者公曰無遲起無勞形無使機無多飲無少食  
無損精無耗氣如斯而已年八旬壯健如少年一  
日沐浴冠帶呼二子隨行城隍廟行四拜禮伯子  
問故云予今當終矣汝曹能立身揚名予死且不  
朽未及月餘遂終于正寢易篋之夕伯子問身後  
事曰時方不靖汝有大才必當大用勉之勉之厥  
後伯子鄉會試洎討賊守城公時時入夢蓋其忠



君愛子之誠雖死不忘矣生子二仲子裕才以貢  
生為別駕窮經篤學有父風伯子全才為兵部尚  
書勤毅公另有傳茲不具悉伯子之子應麟以任  
子為今工部虞衡即應麟之子長曰紹以生員為  
國子生次曰纘少曰繩為邑庠生俱擅文譽時有  
文陽三鳳之名贊曰忠孝者人生之大節也公事  
親孝于昆季能篤友于誼忠君愛國之心無一日  
去于懷乃竟以縫掖終朕積厚者流光迨伯子以  
事功文章為一代偉人而子孫輩或稱宿儒或佩  
簪紱噫天之報施令德豈偶朕哉

王太公肅所傳

秘書院侍讀

朱之俊

汾陽

王太公者孝廉王子之父進士大叅公之兄為文  
陽學博名士也天性易直搯履端方而伯子庠生  
化中仲子孝廉憲中從余遊知公令德益悉按公  
諱在庭號肅所三世為士文水縣平陶都人身居  
縉紳之門一以貧賤自守設科為業中年喪父哀  
毀幾至滅性事母李氏如嚴父焉母年大耄微中  
陰陽之患即與張碩人露禱願以身代母食少加



卽喜否則惶惶鄉人有爭直言剖決數十年訟獄  
不起有陳太 王彥方遺風三黨不能舉火者區  
處必周常拾遺服道上招其人還之本里河沙爲  
厲出沒不常公西築堤塍北鑿滄渠早則洒田爲  
沛澤水潦洩之而已晚年力行愈篤年七十有六  
以疾終贊曰白首窮經艱難一矢行美動神汝南  
有齒皇矣上帝將有以不于其躬于其子厥後隆  
隆以蔚起誰司直筆而贊蠲之曰史

叅政王公傳

朱之後

王公諱在臺字爾基號肇區爲文水平陶里人温  
恭馴雅孝友自其天性從小好學不勸癸卯登賢  
書癸丑成進士授山東滕縣令事繁俗悍公隨方  
輒應歲比不登賑活者以萬餘計時議福藩贍田  
內史耽耽昭陽湖地此地盈涸不常一受其成階厲  
無已公具文申免邑人祠公湖上後振鐸北雍辛  
酉遷戶部主事監督通倉積羨晉秩再督延儲因  
魏璫禍作請告里居者四載起補戶郎轉漢中太  
守時方辦賊兼苦藩校公一切處置得宜地方安



堵晉憲副備兵興元加大叅備兵如故維時流寇蜂起公捐橐募守賊遁去未幾猝至公堅壁清野待之有素賊不得逞尋廷推鄖撫公氣弱過勞竟以病歸優游自適口不言有無置義田以贍合族迨疾亟囑諸子勿厚塋因舉田李爲例年七十有四丈夫子三長用中光祿署丞次毓秀貢生授臨縣廣文弗仕季毓文廩生卽余婿也昔臯狼魏元白曰予習公三十年平易近人居官無所沿飾而敦舉職事常在人右恨厥施未竟而諸公子用儒術起家聲稱籍甚卽一日千里何難焉贊曰孝寬守玉壁而高歡歸張巡守睢陽而令狐遁方公持節興元時以孤城當數十萬方張之賊而誓死自守賊卒莫能逞故江漢不至遽陷者公之力也其事輝煌明史將千百世不朽至其解印歸田徜徉于商山汾水之間急流勇退公誠人傑也哉

贈僉事進士陳公傳

陳三接字康侯文水人歲進士一本孫也性孝友嗜學癸酉舉於鄉庚辰成進士辛巳授河間令歲



大饑人相食公甫下車兩大降旋令民種晚田復

設法賑濟存活甚多有疑獄數年不決者一朝立

辨闔郡頌爲神君云河間途通九省衝甚民疲於奔

應公獨守正絕郊迎凡不便於民者悉釐剔之不

數月頌聲達都門壬午冬一入關人心洶洶公

忠貞自矢或曰眷屬百口宜送還公曰國爾忘家

人臣大義豈可計此以重負朝廷耶居止城上者

數十日守禦備具與士卒同其苦人樂爲用無何

東面城破有報公者公厲聲曰感衆者斬以示兵

已至或且扶公出奔公更罵曰典守旣失焉用生

爲竟斃於萬鋒之下嗟乎人謂公死矣不知公自

此乃生也兵退公幼子四友甫十歲哀號走闕下

通告當事報聞朝廷贈山東按察司僉事廕一子

入監讀元配武氏素賢淑河間之變烽火甚急公

語之曰我爲國守城義莫辭爾其歸養武正色曰

夫死忠婦死節理固狀也勿復言城陷遂自縊明

史具載其爭四德四象有才名食餼邑庠

鄭少司馬傳



鄭宗周字伯忱號意葵文水人丁未進士八世祖和洪武壬戌由秦遷晉籍文水之南安里四傳大孝頗拓先基五傳位補博士弟子員赴汾拾遺金俟其人至予之義聲徹遠邇人以此鄭毅還金云六傳之僑登萬厯甲午歲賢書歷邑令別駕主政三受恩封至壬戌卒未克大竟厥施舉五丈夫子公其長也生而英敏稍長力學如不及當父東里公旋書至日亦不輟俄畧時人異之嗣隨父與師王公在臺者同下帷於西山井泉寺學日進

出就童子試學使陳公所與十號水鑑首甄公以忒多士自後試輒冠軍中丞孫如公廣微會藩臬擷取主書院靡敢齒易者癸卯與王公同膺鄉薦計偕偶蹶益刻勵忘食飲常午夜不解衣丁未遂捷南宮公初筮令鉅鹿繼調繁畧山兩邦懷恩並祀名宦先後巡方交薦考選擢西臺時東里公之尹文安也係權闖廬受梓里因入覲受以父母見且云令嗣肯一面巡方可得也市介里公鄙之及與公燕居道及公聞之髮指義不待見受憾之會神宗靜



攝受與相方從哲朋比旨中閣者八稔願公已給  
 由加封父母如制已銓曹咨催公疾馳到部洞啓  
 時政首抗疏參冢輔方相臚列奸款天下快之值  
 光宗促祚公復累疏請正李可灼崔文昇等表裡  
 方相妄投毒劑之逆謀傳揭諸公群章交評論者  
 謂公與楊璉左光斗諸君同一忠義而公之卓識  
 先見尤過之辛酉奉差巡關履境首祀李忠定公  
 雜貪墨者數人及監察棘欄內外肅清差竣復命  
 適太封公晉虞衡于京染沉疴公百方救治竟不  
 起一恧幾絕勺水不入口者七日于時權閹薰灼

先編公入紅丸案將伺讀禮竟而卽中之值懷宗  
 正位群奸正法以原職起公掌河南道不兩月擢  
 同卿再贈父母如制在冏籌發計樞二部之匿情  
 剔薊遼諸鎮之夙弊前後四十餘疏上繼陞太僕  
 正卿括隱羨萬餘金報於朝時遼餉缺乏大司徒  
 畢公自嚴奏借寺銀四十萬公抗疏不從奉密旨  
 暫借銀四十萬後不爲例上深廉之詔以右司馬  
 兼中丞撫天津等處公降乘進將吏而告誡之集



父老子弟而煦濡之旋三韓失利難民載塗公為  
 請命加意安輯生全者數萬計邑太夫人訃聞跣  
 奔返里哀毀如喪虞衡公時既終制遂絕念仕進  
 時課圃村落携酒溪山偕胡公全才輦逍遙自娛  
 公貌清癯若不勝衣而言動不苟方公侍虞衡公  
 疾揣心岐黃書遂手剛著本草一集脩極其精拓  
 建先祠一區五越歲而落成又康熙癸卯歲公卒

大司馬勤毅胡公傳

保和殿大學士 成克鞏

胡公諱全才字體舜一字韜穎別號聖水世為文

水石東都人始祖諱冕常熟縣丞有惠政祖諱賓  
 率庠生父諱誥增廣生另有傳公長身方頰目有  
 電光聲若洪鐘性豪邁讀書恥作章句儒髻年補  
 邑庠生每試輒列前茅嘗宵返書舍方雨濤晦墨  
 忽有燭籠前導又一夕竟送至臥榻前叱之有聲  
 而退有至親病魅公將往候其魅曰如今有大貴  
 人至吾當避去丙子舉於鄉癸未科成進士時秦  
 督敗績闖逆李自成犯西安公以觀政進士疏陳  
 機宜乞許在晉諸藩所在各招健兒使人自為戰



如漢委梁以捍七國故事屯蒲中以拒渡口保河  
東以壯右臂侯事平議撤疏入而晉省已陷都人  
大震亟召見授兵部職方司主事贊畫李閣部軍  
前公抵真定勸塞井陘口不聽自請鉄騎以往亦  
不聽惟率所隨百餘人遍插疑幟保固關闖逆乃  
從居庸關入犯京師公慟哭歸招集里中子弟起  
義旅欲襲殺偽師恢復太原不果順治元年甲申  
九月大師至太原公引兵投誠隨固山業清大學  
士巴公收復平汾等府陞見賜貂裘鞍馬授兵部  
車駕司郎中陞陝西漢羌道右叅議公入漢中當  
賀珍倡亂左總鎮逃歸省會巡按失印道府州縣  
被陷赤地二千餘里公獨守漢中土寇魏景龍乘  
亂聚衆架木扞城景龍先登公立城頭矢石間手  
斬景龍懸首城上遣歐世暹劉鳳招其弟化龍頭  
目張守業等數十人來歸餘黨乃散川逆張定國  
駐保寧謀犯漢中公密令叅將嚴自明馳擊保寧  
定國遁去三年四月賀珍又犯漢中公堅壁死守  
值肅親王烏金王與內大學士巴公等兵過漢中



圍始解公措辦糗糧四萬八千有奇大師賴以濟  
犒入川兵部題叙陞都察院右僉都御史巡撫寧  
夏公聞報後奉肅親王令同總兵任珍勦蕎麥山  
砦賊首孫首法等殺賊一萬四千餘人四年三月  
乃赴任正當馬德殺害焦撫之後巨寇李彩相繼  
作亂公親率將士直入寧夏乘勢捕勦戰於預望  
城馬德走再戰河兒坪擒斬馬德李彩就縛寧夏  
平後以追劄刑斃穆遠事削職十年三月起補江  
西饒南道左叅議經畧輔臣洪公疏薦隨征湖廣

請復原官巡撫鄖陽僉都御史如故時郝劉高塔  
李諸賊合犯鄖陽公履任馳赴穀城白虎山南漳  
蜈蚣寨南極湘湖北控關洛楚蜀咽喉之地水陸  
聲援勢難守禦利在戰攻於是遣副將文德陣於  
曾河灣都督于大海副將苗時化攻廟灘副將張  
德俊王嘉會戰自土關各帥四五千騎分兵奮擊  
擒其偽帥張進孝李企晟等五十餘員黃鳳昇任  
虎等百餘員皆其偽將軍都督盡解甲款首轅門  
請降公推誠納之復慮均州臨漢水中有滄浪洲



連郅達鄢賊時出沒乃修復城郭添設水師使能  
將守之賊始不敢潛渡十二年七月痰疾陡作猶  
擐甲視事不異平昔十月陞總督湖廣十一月前  
疾復作遂不起享年五十有二經畧洪公疏奏

上聞之悼惻贈兵部尚書謚勤毅廕其子應麟入監  
賜祭三壇給全塋發修墳銀三百兩仍遣山西布  
政司堂上官彭有義代祭於公之墳墓前御祭文  
曰鞠躬盡瘁者臣子之芳踪卹死報勤者國家之  
盛典爾性行端良才猷敏練克襄王事著有勤勞

方與遐齡忽爾長逝特頒祭塋用表悼懷爾如有  
知尚其歆此又曰惟爾居官敬慎賦性真誠夙著  
保障之勞新膺總督之職方期効力忽爾奄終憫  
惻殊深再頒祭典爾靈不昧尚克欽承 御塋文  
曰惟爾名高節鉞功著撫綏方期宣力於巖疆忽  
焉息身於隴爰頒祭塋用表哀悼永奠佳城靈  
其來格公幾歷任所凡建立修葺不可悉舉所刊  
有黃石公素書忠武侯心書太上感應了凡先生  
立命二篇舍利所著有撫治疏議述古自警貞勝



子銘淨信庵詩弟裕才以貢生爲別駕妻賀氏誥封夫人生子三子應勳廩生次應虞太學生俱先公卒次應麟會職工部虞衡司郎中娶嚴氏誥封安人生子三長白紹以生員爲國子生次曰纘少曰繩爲邑庠生俱擅文譽嗚呼公保孤城於漢中定餘孽於寧夏續禍亂於鄖襄真天生不世之才而俾任難能之事也

贊曰太原倚恒嶽遠大河襟帶四塞控峙五原此山川形勝之區也在唐則有狄仁傑在宋則有王

全斌在今朝則有胡勣毅三人真人傑哉聞公生之夕父夢金甲人以錦綳一稚子告語曰此汝子也及覺光閃如電而公生矣是則公之生也豈偶朕哉

嚴孝廉傳

編脩  
周

公諱國魁字啓皇文水賢馬都人天性孝友篤學力行誕之夕公父夢鳳入抱爰誕公公生而穎異好讀書過目卽成誦且素有大志不屑事家人業少失恃及事繼母楊氏如所生泊入泮文名赫甚



而守不停披口不絕吟其爲文也以先秦兩漢爲法庚午歲魁於鄉中選後閉戶以圖史自娛邑中舊例僉報庫吏應役者往往破家又有協濟鄰境馬頭一項最爲偏苦公率諸縉紳具辭控于當道一則革其弊一則均其役至今邑人感之時屬多事改革相仍公不焚不濡得以自全有勸公仕者公曰吾有田可耕有子可教若向鄉里小兒折腰殊令五柳先生笑人晚歲優游三徑耽心經義竿牘不入公門者幾三十年而邑中之執經問業者

常滿戶外若郭起宗郭鼎鉉王錫命皆其立雪士云後疾章嘗囑諸子云吾生平無不可對人言者立身揚名汝曹善自爲之無貽吾憂也丈夫子五長早折仲子調鼎爲予已酉特拔士三巒徽四鱗徽五紋徽俱庠生余雖生與公不同時不盡悉公狀觀仲子之文章品行知公之庭訓有素矣謹紀其實行以供它日蒐逸者之采擇焉贊曰維公之德璞玉渾金維公之性月白風清維公之文秦漢爲程維公之志泉石爲朋庭蘭堦樹久已葱青絳



帳弘開彭宣後庭公門必大公祀必升漭漭珥筆  
媿無能名

高大翁心如傳

劉乃桂撰

公諱居謙號心如幼而岐嶷嗜古篤學其天性也  
事親極孝愉色婉容無少忤一言一行不敢苟其  
自奉也常儉其燕享也必豐及與人交情恕理遣  
無論少長賢愚咸敬而慕之太子寺迤西路塞行  
人多迤途公買地畝餘通之父應桐近槐公遺通  
券數千金公悉焚之肆力鉛槧業冬不爐暑不扇

每試輒居最狀數奇偃蹇塲屋者三十載順治戊  
戌年以歲進士貢入成均康熙二年冬疾作彌留之  
際召諸子命之曰我家力農至我始事詩書志未  
獲酬顯親揚名爾曹善爲之卒年五十有八長子  
狝補博士弟子員次子聯癸卯亞魁三子彬甲午  
武魁元配陳孺人早逝遺子狝聯彬贊繼配任孺  
人生子姓喆鵬啟



人至平... 先... 林... 餘... 智... 效... 其...

文水縣志卷八

武備志

三韓傳 星編次

傅星曰武曰備志預也文逼近離石樓煩羊腸之區備不可不亟文四境無險可拒備更不可不亟世之儒者曰禮義可以為干櫓迂言也備乎武則必實有其武之事有教場而武之習備有堡寨有墩堠而武之守且望備有器械有舖舍而武之具武之警備武備矣而或往蹟湮或故事應猶第備也吾滋有戒於後是實心為政



者

教場

演武場在縣城二里許袤一百八十步廣四十步  
計地三十畝練以垣墻構演武廳三楹將臺一座  
嘉靖四年知縣李朝燧李紀初建

明

千長一人

百長四人

隊長四人

民壯一百四十九人操練守城後分爲二班更番

備邊

馬快十五人

步快十五人同民壯操備兼捕盜各項雜役  
堡長守城四人每堡一人

提調守城十六人每堡多寡不一

正奇隊長守城一百一十四人各堡多寡不一

國朝

額設民壯五十人



馬快八人

千長十六八

堡寨

孝義堡

在本都城圍四里五十步高一丈八尺基濶一丈六尺上濶六尺嘉靖十九年知縣

鄒以

開柵堡

在開東西都城圍四里高一丈八尺基濶一丈五尺上濶七尺為文塔河侵僅存半

岳青堡

在本都城圍四百四十步高二丈基濶二丈上濶六尺嘉靖十九年知縣鄒以大建

原東堡

在木都城圍五百八十步高二丈基濶二丈二尺上濶一丈嘉靖二十一年知縣王

一民

青泉堡

在本都城圍二百四十步高一丈三尺基濶一丈一尺上濶五尺嘉靖二十二年知

縣王

馬西寨

在本都隱泉山上因山設險壘石為城圍三里高三丈基濶一丈五尺上濶八尺嘉

靖十九年知縣鄒以大建

文峪寨

在文峪村城圍二百步

東城堡

在本都城圍一里二分

保賢西堡

在本都城圍四百五十步

保賢東堡

在本都城圍二百步

待賢堡

在本都城圍四里



雲周東堡 在本都城圍一百八十步 俱嘉靖二十一年知縣王一民建

雲周西堡 在本都城圍四百步

原西堡 在本都城圍五百步 俱嘉靖二十一年署印檢較鄭航建

仁智堡 在本都城圍三百二十步

思賢堡 在本都城圍二百五十步

貫家堡 在本村城圍四百五十步 俱嘉靖二十一年知縣王一民建

白安堡 在本都城圍四百二十步

韓武西堡 在本都城圍二里

獨家堡 在本都城圍八百八十步

上賢堡 在本都城圍三百七十步 俱嘉靖二十一年知縣王一民建

仁義堡 在本都城圍三里七分 嘉靖十九年知縣鄒以大建

右諸堡寨惟孝義岳青泉馬西四處見存其餘俱廢備載之以俟興復

蘇子英曰國有堡寨猶家有藩籬所以捍禦外

海者在茲春秋書虎牢易豫取重門設險守國

良有以也文水為太原巨邑邇來流寇犯境堡

寨傾毀保障斯民者可不為之留心哉

墩墩

墩墩



龍泉墩 縣北五里

徐村墩 縣北十里

開柵墩 縣北二十里 達交城

青泉墩 縣南五里

下祠墩 縣南十里

孝義墩 縣南十五里

上賢墩 縣南三十里 達汾陽

每墩一座周圍八丈高三丈上蓋小房三間下設小墩六座以備烽燧之警

器械

盔三百九十六頂

大將軍四位

生鐵蓋口炮二十四位

湧珠炮三十九位

快鎗五百杆

單佛郎机四十六杆

三股炮七箇

虎尾炮一箇

甲四百一副

三將軍一位

熟鐵蓋口炮四十二位

連珠炮三十八位

雙佛郎机九杆

拐子炮一百五十杆

火鎗炮四十箇

鋼銃六箇



鐵銃二十九箇

天炮五十箇

炸炮二千三百箇

小炮二百四十箇

三眼鎗八十杆

竹榔桶二百箇

推刀二百口

推叉二百七十杆

三股叉八杆

鐵鎗一十四杆

鐵斧八把

斬馬刀五口

懸鎗五十杆

鐵飛鈎二十五杆

鐵叉五十杆

弩弓四十五張

神箭一根

大小鐵子六千四百箇

大鉛子七箇

小鉛子一萬三千五十箇

木馬子一千四百箇

火藥匙四十張

火藥三千三百八十九斤

火線四十七條

鉛四百斤

硫黃二百一十四斤

硝一千斤

守城夫器械

弓箭四十副

腰刀二百口

長鎗三百杆

鋼斧四十把

闊棍二百根

骨槩二百把



鐵叉二百杆

快鎗二千把

火藥一千斤

鉛子一千斤

五色旗幟七百五十杆

懸簾木架二千八百五十箇

國朝

神威炮六位

大將軍炮三十一位

二將軍炮八十三位

三將軍炮十四位

生鐵炮三十一位

大佛郎机二位

佛郎机炮四位

炸炮十位

小炸炮一十六位

小炮八位

三眼鎗五百二十二杆 獨眼鎗十杆

舊論曰器械不利以卒予敵吾文城守之具富矣顧器久不用則蠹果皆一一堅利足備緩急之用乎書曰鍛乃戈矛礪乃鋒刃易曰除戎器戒不虞誠能春秋操閱時一試習而易其朽敝乃可恃耳

舖舍

總舖 在北

徐村舖 在縣北十里舖前



開柵舖

在縣北二十里交界暨春秋大陵舊城坊北連交城縣

下祠舖

在縣南十里舖前暨西山盤寨坊

上賢舖

在縣南二十里

文新舖

在縣南二十五里交界暨唐堯平陶故都坊南達汾陽縣以上四坊知縣米世發

創建

傳星曰舖舍之設由來久矣有警則傳舉烽燧

平時則傳遞文書文北鄰交邑南接汾陽固孔

道也申令修飭常使斥堠相望庶幾羽檄無驚

文移不困矣



